

北京圖書館 編

北京圖書館藏珍本
年譜叢刊



第 24 冊

北京圖書館出版社

□ 北京圖書館 編

北京圖書館藏珍本

年譜叢刊

北京圖書館出版社

第 24 冊



紹興元年辛亥(一一三一)武穆二十九歲

春正月己亥朔帝在越州改元大赦

初十日戊申詔副張俊討李成

時劇賊李成自號李天王，乘金人殘亂之餘，據江淮十餘州，連兵三十萬，有席卷東南之意。遣其將馬進犯洪州，上命張俊為江淮招討使，俊入辭，盛言李成之眾，上曰：「成兵雖眾，不足畏。」因諭俊以為今日諸將獨汝無功，俊遽曰：「何為無功？」上笑曰：「如韓世忠擒苗傅、劉正彥，卿殆不如也。」俊恐悚，承命而退，退而畏縮，自度必不可勝，思諸將惟武穆為謀勇，乃請以武穆軍同討賊，詔許之。（行實編年）

二月，武穆至鄱陽，與俊合兵，題詩鄱陽龍居寺。

詩曰：巍石山前寺，林泉勝復幽。紫金諸佛相，白雪老僧頭。潭水寒生月，松風夜帶秋。我來囑龍語，為雨濟民憂。

題東松寺壁

余自江陰軍提兵起發，前赴饒郡，與張招討會合崎嶇山路，殆及千里，過祁門西約一舍餘，當途有庵一所，問其僧曰：東松，遂邀後軍王團練并幕屬隨喜焉。觀其基址，乃鑿山開地，創立廊廡，三山環聳，勢凌碧落，萬木森鬱，密掩煙薨，勝景瀟灑，實為可愛。所恨不能款曲，進程過速，俟他日殄滅盜賊，凱旋回歸，復得至此，即當聊結善緣，以慰庵僧。紹興改元仲春十有四日，河朔岳飛題。按秋崖小稿謂王團練即後來告變之王鵬兒。

是月十四日辛巳，以秦檜參知政事。

三月初九日丙午，武穆為先鋒，渡江擊馬進，大敗之，復追敗李成於樓子莊，遂復江筠州。

三月初三日，次洪州，賊連營西山，王師不得渡，諸將莫當其鋒，俊大懼。召武穆問曰：「俊與李成前後數戰皆失利，君其為我之計。」武穆對曰：「甚易也。賊貪而不慮，後若以騎兵三千自上流生米渡，出其不意，破之必矣。某雖不才，願為先鋒以行。」俊大喜從之。初九日，武穆身披重鎧，先諸軍躍馬以濟，眾皆駭視，須臾以次畢渡。觀者以為神，乃潛出進軍之右。武穆首突賊陣，所部從之，賊大敗，降其卒五萬。武穆追之二十五里，及河渡土橋，纔數十騎，而橋壞，後騎

莫能進，進軍五千回攻武穆。武穆以一矢殪其先鋒之將，
麾騎突進，進軍望風皆曳兵，又大敗。俊呼壕寨吏治橋，後
騎亦至，進遂走筠州。武穆以軍屯筠城東，十一日，賊復引
兵出城布列，橫亘十五里。武穆以紅羅為幟，刺白岳字於
上，平明領所擇馬軍二百人建旗鼓而前，賊易其少，搏之，
伏發大敗走。武穆使人呼曰：「不從賊者即坐，卸衣甲，當不
汝殺。」賊應聲坐者八萬人，死者無數。擇所獲鎗刀衣甲器
仗之堅全者木之，令降卒負挈隨軍。其敝者置於筠之州
帑，分隸降軍，三日乃畢。進以餘卒奔李成所，成時在南康
之建昌。武穆夤夜引兵銜枚至朱家山，偃兵伏幟於茂林。

待之進至伏兵一鼓出林賊衆大敗殺獲步兵五千人斬其將趙萬等進引十餘騎先走僅以身免成怒自引兵十餘萬來武穆遇之於樓子莊引軍合戰大破成軍降其卒二萬餘人獲馬二千匹追之由武寧軍至江州道中殺及降凡三萬人（行實編年）

五月復追敗成於蘄州成走降劉豫。

成自獨木渡趨蘄州武穆以馬軍追之渡步軍於張家渡以夾擊之殺馬進孫建及酋領甚衆成軍晝夜駭走不得休息飢困死者十四五至蘄州又降其卒萬五千人馬二千餘匹所棄器仗衣甲金帛無數成走降偽齊（行實編年）

張用復寇江西武穆招降之江淮悉平俊奏功武穆第一。

相州人張用勇力絕群號張莽蕩其妻勇在用右帶甲上馬敵千人自號一丈青以兵五萬寇江西俊召武穆語曰非公無可遣者問用兵幾何武穆曰以某自行此賊可徒手擒俊固以步兵三千益之武穆至金牛頓兵遣一卒持書諭之曰吾與汝同里人忠以告汝南薰門鐵路步之戰皆汝所悉也今吾自將在此汝欲戰則出戰不欲戰則降降則國家錄用各受榮寵不降則身隕鋒鏑或係累歸朝廷雖悔不可及矣用與其妻得書拜使者曰果吾父也敢不降遂俱解甲武穆受之以歸俊謂諸僚佐曰岳觀察

之勇略，吾與汝曹俱不及也。繼又招降馬進餘黨之潰者數萬，武穆汰其老弱，得精兵萬餘人，以歸俊。江淮以平，俊奏功武穆第一。（行實編年）

七月，充神武後副軍統制，命權留洪州，彈壓盜賊。

題驟馬岡詩。

詩曰：立馬林岡豁戰眸，陣雲開處一溪流。機舂水汴猶傳晉，黍秀宮庭孰憫周。南服只今殲小醜，北轅何日返神州。誓將七尺酬明聖，怒指天涯淚不收。

題翠巖寺詩。

詩曰：秋風江上駐王師，暫向雲山躡翠微。忠義必期清

塞水功名直欲鎮邊圻，山林嘯聚何勞取。沙漠羣寇定破機，行復三閭迎二聖。金酋席捲盡擒歸。

按以上二詩，不明年月，惟因地點均在南昌府治附近，且前首有「南服」，只今殲小醜，後首有後秋風江上駐王師之句，諒係武穆平李成後駐軍洪州時所作，故附編於此。

致某學士啟

書曰：「通判閣下學士，飛已至洪井累日，只候營寨了，便示如長沙矣。」此有所需不及飛再行。按此書據其詞意，當係

紹興元年武穆平張用屯洪州時所作。洪井據裔孫鴻達跋謂在叢原山西北，水經注洪井飛流，懸注無底者即是。

答某學士啟。

書曰：「飛咨目啟上通判學士，即日伏維起居佳勝，承惠翰慰感，尚阻披晤，願言加奮，以俟寵渥，凡百切幾，勉力王事，為望不宣。」飛咨目再行。

再復某學士啟。

書曰：「平虜亭記甚佳，可勒諸石，但過情之譽為多，豈疏拙所宜當，悚仄悚仄。」飛再行。

按文集原跋，此與洪目咨目尺牘三章，宋時已收入秘帖，墨刻流傳，現真蹟尚摹勒湯陰精忠廟壁，因不能明其投贈年月，緣與洪井咨目同入秘帖，故連類附編於此。

八月

以秦檜為尚書右僕射同平章事兼知樞密院事

時范宗尹罷相檜欲得其位因揚言曰若用檜為相有

二事可以聳動天下一則與南北士大夫通致家問一則

糾率山東河北諸郡之人還之北方既相擬詔草以進曰

軍興以來河北山東忠義之徒自相結約立功其後番兵

深擾逐頭項人漸次渡江各令所在屯聚就糧議者欲興

兵討伐朕惟黎元騷動罪在朕躬既未能率以還北豈宜

輕肆殺戮應河北山東渡江無歸之人並令所在招撫開

具鄉土所在當議遣官糾率起發其南方士大夫因守官

北地隔絕未能還鄉及北方士大夫因守官南方以至避

難渡江想其念國保家之心彼此俱同雖有一時從權衛

身之計必皆出於不得已度其深謀遠慮亦豈在人下應

欲書問往來並令朝廷差人發遣如得回書有司即時遣

人分付本家貴得情通各無疑間朕蒙祖宗休德託於士

民之上初無處顯之心亦無貪功之念倘有生之類因朕

得以保家室復井里則朕亦將復侍父兄省陵寢上下雖

異此志則同布告中外諒此誠惻上雖納之不曾降出其

曰豈宜輕肆殺戮實威之使畏也曰遣官糾率起發實強

之行也，後金使李永壽王訓來議七事，第一事即欲盡取北人，與檜之策正合，檜之私於金人也明矣。

十月授親衛大夫建州觀察使。

防建寇范汝為。

建寇范汝為陷邵武軍，江西安撫大使李回檄武穆分兵三千保建昌軍，二千保撫州，以洪州鄰撫州，建昌鄰邵武也，武穆使以岳字幟植城門，且榜於境曰：賊入此者死，遊騎抄掠者望見皆相戒以勿犯，村民樵蘇猶故，民不知有盜。行實編年。

致某郎中書。

書曰：飛咨目頓首再拜奉使郎中台座，即日伏維使事。

豐暇神明靖相，台候動止萬福。比至豫章，獲奉教益，不勝
慰幸。歸司衮衮多事，未果上狀，以浼記室。良負愧怍。近來
本軍錢糧闕乏之甚，今專令幹官張大夫見曾漕面懇，因
行畧此候問。幸恕減裂，不由參見，惟幾為國保重。即膺峻
擢，不宣。飛咨目頓首再拜。奉使郎中台座。按此書不見文
集，石刻真蹟在棲霞廟內，中後有嘉慶己卯山陰陳瑚跋云：
「本傳載詣王彥乞糧一事，札中令幹官面懇者，或即其人
云云，殊誤。書中言比至豫章，獲奉教益，是已自豫章歸後，
當在此時無疑，故附編於此。」

初十日癸酉，金兀朮寇和尚原，吳玠及其弟瑋大敗之。
玠自富平之敗，收散卒，保和尚原，積粟繕兵，列柵為死

守計或謂玠宜退保漢中，扼蜀口，以安人心。玠曰：「我保此，敵決不敢越我而進，是以保蜀也。」玠在原上，鳳翔民感其遺惠，相與夜輸芻粟助玠。玠償以銀帛，民益喜輸者益多。金人怒，伏兵渭河邀殺之，且令保伍連坐，民冒禁如故。金將沒立自鳳翔，烏魯折合自階城，出散關，約日會和尚原。烏魯折合先期至，陣北山索戰。玠命諸將堅陣待之，更戰迭休。金人大敗，遁去。沒立方，攻箭箐關。玠復遣將擊敗之，兩軍終不得合。金人起自海角，狃於常勝，及與玠戰，輒敗，憤甚。謀必取玠，於是兀朮會諸帥兵十餘萬，造浮梁跨渭，自寶雞連結珠營，壘石為城，夾澗與官軍相拒。進薄和尚原，玠與弟璘、璘選勁弩，命諸將分番迭射，號驛隊矢，連發不絕，繁如雨注，敵稍却，則以奇兵旁擊，絕其糧道，度其困且走，設伏於神堂以待之。敵至，伏發，遂大亂。玠因進兵，夜擊大敗之。兀朮中二流矢，僅以身免，亟剃其鬚髯而遁。初，金人之至也，玠與璘以散卒數千駐原上，朝問隔絕，人無固志，有謀劫玠之兄弟北降者。玠知之，召諸將歃血盟，勉以忠義，皆感泣，願盡死力，故能成功。

十一月，平范汝為餘黨於建昌。

汝為餘黨姚達饒青逼建昌武穆遣王萬徐慶討之擒
青達於四望山降其眾萬人（劉光祖襄陽石刻事迹）

十二月十四日丁丑遷神武副軍都統制部兵屯洪州。

兵隸李回日授神武副軍都統制已乃聞為甥壻高澤
民偽為之請而得之武穆驚惕即日自陳乞正澤民罔上
之誅力辭不受又數見回白其事回乃奏云某一軍自從
討賊服勤職事忠勇之名聞於江右紀律之嚴信於疲屯
留屯洪州聲勢甚遠江湖群寇率皆逃避近遷神武副軍
都統制士論皆謂稱職及得其外甥壻私書乃知此除曾
經樞密院陳乞某小心惶懼累與臣言實非本心所敢僥